



●劉惠鳴（左）：「估唔到我一手訓練嘅人，竟然就係搶我風頭嘅人！」芳雪瑩（右）：「算罷啦！佢哋風頭勁即係代表我哋成功啫。」

# 劉惠鳴

## 畀人搶風頭感無奈

上星期四（4月19），小記睇新光戲院睇咗一場十分精彩嘅演出，三個鐘頭，小記及觀眾們叫好同鼓掌之聲，真係不計其數。呢個演出仲有一個特別之處就係全班演員都係名不經傳，佢哋犀利到連年輕偶像派文武生劉惠鳴嘅風頭都搶埋，劉惠鳴同小記講：「同得佢哋同台演出，都預咗畀佢哋搶晒風頭㗎啦！」

咁究竟呢班演出者係乜嘢人咁勁？咪就係由聲輝粵劇推廣協會舉辦的「雛聲粵韻聲輝夜2007」，顧名思義，呢班演出者就梗係全部係小朋友擔任咁解啦，睇完呢場演出，最令人鼓舞就係粵劇後繼有人！此團係芳雪瑩出任會長兼藝術指導，而劉惠鳴原來都係呢個協會嘅藝術指導。

文：達達




●6歲的楊健平（左）夥拍7歲的張雅泳（右）合演《易水送荊軻》，兩人做得好，唱得好，感情好。勁勁勁精彩！！

●呢一對加埋得7歲的組合，絕無走音，甩板，仲加埋有台風，非常厲害，合唱一曲《牡丹亭驚夢》，好精彩！（左為3歲的譚晴，右為4歲的黃安琦）



●嘩！呢對好似公仔嘅組合，6歲的楊健平（左）和7歲的黃安晴（右）演出《打金枝》，唱做唸打，表現超強。勁精彩！

●做老師嘅劉惠鳴（前）身手都有番咁上下囉，中間嗰個15歲嘅學員李瑞麟夠唔錯啦，加埋芳雪瑩（後），合作演出，一幕《脫阱救裴》。精彩！



●呢個普士，係咪好熟口面呢，8歲的何梓銘（左）和8歲的羅芷瑩（右）咪就係演《雙仙拜月亭之搶傘》囉，做得唔錯！唔錯！